

嚴則菴
輯

傷寒捷



上海科學技術出版社

傷寒捷訣序

傷寒捷訣者。予祖官方則菴公之所著也。自古以來。傷寒之書。何啻充棟。而或失則沉。或失則雜矣。且其間各執所見。建詞立論。往往不同。問津者恒苦之。予祖上自黃帝素問。下及仲景河間東垣丹溪諸書。無不研究。沉潛之久。恍然自得。蓋素問以足六經分經論治。然未嘗不通乎義也。仲景立三百九十六法。垂一百一十三方。可詢而訣也。河間以傷寒爲熱病。經曰。熱病者。皆傷寒之類是也。東垣以內傷寒悉類傷寒。而丹溪之書。則云傷寒屬內傷寒者。十居八九。是皆殊途而同歸。百慮而一致者也。於是釀花爲蜜。集腋成裘。不偏不支。作歌成訣。斯誠後學之津梁矣。獨惜註釋未詳。而粗淺者流。或第奉行故事。未審證之源委。立方之分寸。是猶吾祖之深憂也。予不自揣。因其耳熟。更參前賢章疏節解。務使分證立方之妙。瞭如指掌。非敢祖作而孫述。亦冀不負吾祖之苦心焉爾。

按仲景訣。未免汗漫。初學讀之。如涉海問津。以三陽三陰編訣捷簡。一誦了然矣。且各加註釋。庶各經不混。脈絡分明。不毋小補于萬一云爾。讀註全集。更有深心。知者鑒之。

傷寒捷訣

桐城 嚴官方則菴氏纂輯 紹興 裘吉生校

欲治傷寒。先須識症。診脈定名。處方必應。且如太陽有傷榮傷衛之分。陽明有在經在腑之病。少陽但主乎中。故曰膽爲清淨。至三陰有傳經直中之不常。須究脈理而推詳。傳經者。脈沉數而煩熱。直中者。脈沉細而清涼。當汗而下。爲結胸痞氣。當下而汗。爲厥竭亡陽。腸垢驚瘡。須辨協寒協熱。瘀熱畜血。可知發黃發狂。癰疹斑爛。起于濕熱二毒。筋惕肉瞤。由于汗下兩傷。若夫風溫濕溫。風濕中濕。風溫則喘息多眠。濕溫則妄言不食。風濕肢體重而額汗流。中濕肌膚黃而小便赤。溫病發於春時。熱病生於夏月。陽毒則面赤而狂斑。陰毒則唇青而冷厥。發汗戰汗。身涼者喜。水火既濟之功。合病併病。下利者俱。土木互相爲尅。又聞實爲譫語。虛作鄭聲。水氣停蓄者。或嘔或噦。火邪劫奪者。或狂或驚。虬厥狐惑。總是蟲症之號。剛瘕柔瘕。並爲風病之名。霍亂乃暑濕相搏。寒熱是邪正交爭。喘咳者。水搏寒而所致。吐衄者。熱迫血而妄行。單伏雙伏。此非怪脈。乃否極泰來之兆。陽易陰易。皆爲危症。犯男交女接之情。惡寒喘嗽者。發表自愈。惡熱喘滿者。攻裏必寧。咳逆又名呃忒。動悸更曰怔忡。雙傳者。雙經同病。百合者。百脈一宗。懊惱。因心中之鬱悶。煩躁是內熱之薰蒸。臍痛引陰。名爲臟結。厥利能食。號曰除中。瘕瘕者。手足抽搐。佛鬱者。頭面蒸紅。勞食再復。緣新瘥之

狂禁。過經不解。與溫瘧之相同。蓋傷寒傳變之不一。非雜病徑直而可攻。予茲略陳其要。學者自宜變通。

傷寒總訣治法

一二日可發表而散。三四日宜和解而痊。五六日便實。方可議下。七八日不愈。又復再傳。日傳二經。病名兩感。經傳六日。應無不痊。太陽無汗。麻黃爲最。太陽有汗。桂枝爲先。小柴胡爲少陽之要領。大柴胡行陽明之祕堅。至三陰則難拘定法。或可溫而可下。宜數變以曲全生意。或可方而可員。

太陽經傷寒

惡寒發熱身無汗。頭痛腰痛屬太陽。此是傷寒邪在表。急宜發散最爲良。按傷寒初起一二日內。乃足太陽膀胱經受之。其脈起於目內眦睛明穴。上腦下項。循肩挾脊。抵腰。行身之後。終於足小指。至陰穴也。其症則頭項痛。腰脊強。以及週身病是也。然太陽爲表之表。其脈尺寸俱浮而緊者。寒傷榮。故無汗也。急宜發散。則汗出而諸症愈矣。宜羌活湯及麻黃湯主之。若浮而緩者。風傷衛。故有汗也。宜桂枝湯主之。若傷寒見風。傷風見寒。此爲風寒兼受。榮衛兩傷也。宜大青龍湯主之。他如發熱煩渴。小便不利。此爲熱入膀胱之本。宜五苓散主之。

麻黃湯中用桂枝。杏仁甘草四般兒。發熱畏寒身體痛。須知一服汗淋漓。傷寒發表用羌防。蘇葉川芎白芷蒼。甘草生薑葱共引。冬時無汗用麻黃。按羌活防風。爲足太陽發表藥也。佐以蘇葉川芎白芷蒼朮諸味之辛溫。則能助陽氣而發表矣。和以甘草。使以姜葱。俾腠理通而寒邪散。至冬月傷寒。必須麻黃之辛熱以汗之。斷不可少也。他如春夏秋。謂非時感冒。未可輕用。

太陽經傷風

傷風約略似傷寒。有汗須知救表先。此是風邪傷在衛。桂枝斟酌自安全。桂枝湯內藥三般。芍藥甘草一處攪。若是麻黃相合用。方名各半治傷寒。大青龍湯桂麻黃。杏仁石羔甘草藏。棗子生薑乘熱服。風寒兩解此爲良。五苓散內用猪苓。白朮雲苓澤瀉羣。肉桂少加爲引導。功能利水更生津。

陽明經分在經在腑

太陽不解入陽明。邪入陽明勢漸深。目痛鼻乾人少睡。在經在腑却宜分。陽明者。陽氣正盛。故曰陽明。其脈尺寸俱長。長而微洪。經病也。長而沉數。腑病也。脈有寸關尺三部。此止言尺寸者。關在其中矣。

陽明經經病

在經發熱尙憎寒。目痛難眠鼻孔乾。症屬太陽猶未罷。葛根白虎應居先。按傷寒二三日內。乃足陽明胃經受之。其脈起於鼻承泣穴。絡于目。循于面。行身之前。終于足次指。屬兌穴也。其症則身熱目痛鼻乾不得眠。然陽明爲表之裏。其脈尺寸俱長。長而微洪。經病也。乃太陽症未罷。猶有惡寒在也。宜解肌湯葛根湯及白虎湯主之。長而沉數。腑病也。乃太陽經症已罷。不惡寒。專發熱也。宜大承氣湯及調胃承氣湯主之。若表症未除。裏症又急者。宜大柴胡湯合表裏而兼治之。他如病在膈上者可吐。宜瓜蒂散主之。此重劑也。汗下後虛煩懊惱者可吐。宜梔子豉湯主之。此輕劑也。

解肌湯內芍甘羌。干葛陳皮桔梗良。白芷黃芩薑共棗。陽明經病可煎嘗。葛根湯內用麻黃。二味加入桂枝湯。輕可去實因無汗。有汗加葛去麻黃。白虎湯中用石羔。甘草知母本乃抄。人參加上生津液。熱渴虛煩入米熬。

陽明經腑病

在腑不寒專發熱咽乾作嘔心煩渴發狂譫語大腸堅大小三承湯可啜。按不惡寒者邪不在表也。咽乾煩渴並作嘔者皆胃熱甚也。胃火上衝故心神失守譫語狂言大便秘燥皆裏症也。急宜下之。陶菴節曰傷寒邪熱傳裏須看氣勢淺深用藥。若三焦俱傷則痞滿燥實堅全見宜大承氣湯。邪在中焦只有燥實堅三症宜調胃承氣湯加甘草和中去枳實者恐傷上焦氤氲之氣也。邪在上焦則痞而滿宜小承氣湯去芒硝者恐傷下焦真陰也。若表症未除裏症又急不得不下者則用大柴胡湯通表裏而緩治之。大承氣最緊小承氣次之調胃又次之大柴胡又次之蓋恐硝性急燥不可輕用也。

大承氣湯用朴硝大黃等分不須饒厚朴倍加並枳實通腸利便有功勞。小承氣湯三件藥枳實大黃並厚朴結胸譫語大腸堅每服五錢功易覺。

大黃厚朴枳實名厚朴三物湯又厚朴大黃兩味治太陽病腹滿而閉

調胃承氣有硝黃甘草同加用最良。腹滿便堅兼口渴心煩譫語總相當。大柴胡湯用大黃半夏枳實共爲良更有黃芩與芍藥薑棗同煎利大腸。瓜蒂散中赤小豆二味勻平有傳授豆豉一合水同煎膈上停痰須此吐。梔子豉湯梔子先更加豆豉水同煎病後虛煩眠不得心中懊惱吐之痊。少陽經主中宜和解。

少陽寒熱往來煩口苦咽乾脇下疼目眩耳聾頭角痛小柴湯是頂門針。按傷寒三四日內及足少陽膽經受之其脈起于目銳眥瞳子膠骨上頭角絡耳循胸脇行身之側終於足四指之竅陰穴也其症則胸脇滿而耳聾往來寒熱然少陽爲半表半裏其脈尺寸俱弦弦而數者病在中也宜小柴胡湯和之凡治有三禁不可發汗發汗則譫語不可吐下吐下則悸而驚只宜和之以柴胡湯至

病人嘔而不渴。加半夏。渴而作嘔。加姜汁竹茹。或渴或不渴。或嘔或不嘔。在隨症而加減之。

小柴胡湯祇五般。半夏人參共交攪。更有黃芩與甘草。生薑棗子水同煎。

三陰經分傳經直中

三陽傳罷入三陰。轉入陰經勢轉深。若是陰經名直中。沉寒錮冷却宜溫。所以三陰有傳經直中之不常。須究脈理而推詳。傳經者。脈沉數而煩熱。直中者。脈沉細而清涼。

太陰經傳經熱症

陽邪傳入太陰經。腹滿咽乾手足溫。尺寸俱沉時常數。桂枝加入大黃平。按傷寒四五日內。乃足太陰脾經受之。其脈起于手足大指之隱白穴。上行至腹。絡于噤。連舌本。行身之前。終于大包穴也。其症則腹滿或痛。咽乾自利。然三陽爲表。三陰爲裏。其脈尺寸俱沉。沉而有力。傳經熱症也。宜桂枝加大黃湯下之。沉而無力。直中寒症也。宜理中四逆湯溫之。若本是陽症。或重受風寒。或過飧生冷。或誤服涼藥。遂變成陰症。此爲害熱未已。寒病復起。始病熱症。未傳寒中也。亦宜理中四逆湯溫之。他如傷寒入三陰。尙有在經表邪。如太陰有桂枝加芍藥湯。少陰有麻黃附子細辛湯。厥陰有當歸四逆湯之類。皆陰經表藥也。

當歸四逆湯 當歸 白芍 桂枝 細辛 通草 甘草 大棗

桂枝大黃甘草芍。枳實柴胡薑棗著。檳榔大腹用水煎。太陰實熱須臾却。桂枝加芍減甘草。更用生薑及大棗。表症未除因誤下。太陰腹痛斯安好。

太陰經直中寒症

直中陰經不發熱。腹痛惡寒四肢厥。脣青面黑是真陰。四逆理中眞妙訣。此太陰直中寒症。其脈沉細無力宜溫之。

四逆湯中薑一兩。生附減半去皮尖。一兩甘草水煎服。厥而下利用之。陸理中甘草用干薑。白朮人參是的當。若是內中加附子。更名附子理中湯。少陰經傳熱症

陽邪傳入少陰中。口燥咽乾。譫語同。便實繞臍時硬痛。腑中燥屎却宜攻。按傷寒五六日內。及足少陰腎經受之。其脈起於足之湧泉穴。上行貫脊。循喉嚨。絡舌下。注心中。行身之前。終於膺府穴也。其症則口燥咽乾。便實譫語。或繞臍腹痛。是腑中燥屎使然。與直中全無干涉。宜下之。如大承氣及調胃承氣湯是也。

麻黃附子細辛湯。發表溫經兩法彰。若非表裏相兼治。少陰反熱曷能康。少陰經直中寒症

惡寒無熱。厥如冰。吐瀉交加。腹內疼。六脈沉遲。陰毒盛。身如被杖。爪脣青。此少陰直中寒症也。其脈沉細無力。宜溫之。如四逆湯理中湯之類是也。

厥陰經傳經熱症

舌卷囊拳消渴甚。四肢厥冷乍還溫。煩滿便堅多屬熱。六一順氣可旋吞。按傷寒六七日內。乃足厥陰肝經受之。其脈起于足大指之大敦穴。循陰器。抵小腹。絡于肝。行身前之側。終于期門穴也。其症則煩滿而囊縮。筋急而脣青。在男子則囊拳。在女子廷孔急痛。痛引小腹。廷孔者。陰之深處也。亦宜分傳經直中治之。其脈沉實有力。當下。如六一順氣湯之類是也。沉遲無力當溫。如同陽救急湯之類是也。

六一順氣芍藥標。柴胡枳實大黃硝。黃芩厚朴同甘草。可代三黃功更高。厥陰經直中寒症

口吐涎沫不作渴。嘔逆腹疼四肢厥。爪脣青黑是真寒。回陽救急功尤捷。
此足厥陰直中寒症也。其脈沉遲無力宜溫之。

回陽救急半甘苓。熟附干薑肉桂參。白朮陳皮五味子。治寒直中厥陰經。
夫傷寒三陰有傳經之熱症。有直中之寒邪。自是兩途。豈容混治。其可用不可用之理。果何哉。若能辨其因。正其名。察其形。治法焉有不當者乎。

結胸

結胸五種須分別。大小結胸並水結。熱實結胸煩躁多。寒實結胸渾不熱。
按傷寒太陽經症。表未解而醫遽下之。表邪乘虛入裏。在五六日便堅口渴。日晡潮熱。上至心下。下至小腹硬滿而痛不可按者。乃大結胸也。宜大陷胸湯主之。或心下硬滿。按之則痛。是必待按然後作痛。況止在心下。則小腹之不硬痛可知矣。熱徵于前。故曰小結胸也。宜小陷胸湯主之。或水飲停胸。水結胸也。小半夏加茯苓湯主之。或熱多煩躁。熱實結胸也。如大柴胡六一順氣湯。皆可選用也。或寒多無熱。寒實結胸也。枳實理中湯主之。

大陷胸湯大黃硝。甘遂同煎力更饒。邪在胸中宜陷下。體虛胃弱漫輕調。
小陷胸湯半夏連。瓜蒌實共水同煎。苦能泄熱辛能散。利下黃涎卽便安。
小半夏加茯苓湯。行水散痞有生薑。加桂去夏治悸厥。茯苓甘草湯名彰。

血結胸

血結胸中不可按。如狂嗽水不欲嚥。大便黑色小便通。犀角地黃湯最善。
按傷寒經病。熱極而畜血積于胸中。鞭痛而不可按者。爲血結胸也。宜犀角地黃湯。及桃仁承氣湯主之。活人云。大抵結胸症固當下。須看氣之虛實。脈之盛衰。若脈來浮大者。猶帶表邪不可下。下之則死。下後而復

反結者亦死。結胸症悉具。而煩躁者亦死。下後而舌反黑裂者亦死。下後而譫言譫語者亦死也。

痞氣

滿而不痛名爲痞。枳桔頻投是妙方。更有瀉心湯可服。大黃附子半甘草。按傷寒心下痞鞭而痛者。爲結胸。爲實。鞭滿而不痛者。爲痞氣。爲虛。凡傷寒痞氣。輕者通用枳桔湯。其行氣下膈也。若心下痞。按之濡。關上浮者。大黃黃連瀉心湯主之。若心下痞。而復惡寒汗出者。附子瀉心湯主之。若寒多熱少。胸滿而不痛。脈濡者。半夏瀉心湯主之。若乾嘔有水氣者。生薑瀉心湯主之。若乾嘔下利腹鳴者。此非結熱。但以胃虛客氣上逆。故使鞭也。甘草瀉心湯主之。大抵傷寒之痞。與雜症不同。傷寒之痞。從外之內。故宜苦瀉。雜症之痞。從內之外。故宜辛散。

附子瀉心用三黃。寒加熱藥以維揚。痞乃熱邪寒藥治。惡寒加附始相當。半夏瀉心黃連芩。干薑甘草與人參。大棗和之治虛痞。法在降陽並和陰。
去人參即甘草瀉心湯
加薑即生薑瀉心湯

下厥上竭

少陰但厥身無汗。強發之時血不安。或從口鼻或目出。下厥上竭實難全。
按傷寒傳入少陰而身厥者。乃榮衛俱虛。不當發汗也。若強發其汗。致血妄行。或從口鼻。或從目出。此名爲下厥上竭。主不治也。

亡陽

過汗亡陽症不輕。三焦上下及周身。桂枝加減苓甘附。真武湯兼附瀉心。
亡陽者。謂發汗過多而汗不止也。然有衛外之陽。爲周身榮衛之主。此陽虛遂有汗漏不止。惡寒身痛之症。宜桂枝加附子湯主之。有膈中之陽。爲上焦心肺之主。此陽虛遂有叉手冒心。及奔豚之症。宜桂枝甘草湯

及茯苓桂枝甘草湯主之。有腎中之陽。爲下焦真元之主。此陽虛遂有發熱眩悸。胸振擗地之症。宜真武湯主之。有胃中之陽。爲中焦水穀生化之主。此陽虛遂有腹脹滿。胃不和。而成心下痞之症。宜生薑瀉心湯主之。大抵傷寒亡陽。病本不輕。救誤者須觀脈症。知犯何逆。以法治之。

真武湯中芍藥煨。雲苓浙朮炙。甘隨。附子炮來加減用。生薑五片總相宜。
腸垢驚漉

傷寒下利多般數。要識陰陽勿差誤。三陽利時身必熱。三陰但溫無熱俱。合病自利葛根湯。或用黃芩湯可愈。自利不渴屬太陰。少陰必渴身虛故。外審證今內憑脈。內外並觀斯兩得。脈大由來却是虛。脈滑而數有宿食。協熱而利臍下熱。譫語而利燥屎結。少陰心痛口燥煩。却與利之斯要訣。按利與痢不同。利者瀉也。不因攻下而泄瀉也。此即傷寒自利之症。俗名漏底傷寒是矣。凡傷寒自利。有三陽傳陰經而下利者。爲協熱利。協熱利者。曰腸垢。臍下必熱。宜黃芩湯葛根湯主之。有因陰寒直中陰經而下利者。必協寒利。協寒利者。曰驚漉。臍下必寒。宜理中四逆湯主之。原病式曰。瀉白爲寒。青黃紅黑皆熱也。大抵陽熱之利。與陰寒不同。宜細辨而詳治之。凡自利不可發汗。以下利爲邪氣內攻。走津液而胃虛也。黃芩湯用甘芍並。傷寒自利棗和烹。此方遂爲治痢祖。後人加味或更名。

發黃

溫熱在裏不能散。蓄積脾中成此患。頭面有汗至頸還。渴飲水漿曾莫聞。茵陳五苓湯最奇。滲濕除黃功有贊。瘀血之症亦相類。大便必黑此其異。下焦有熱或加狂。桃仁須加入承氣。

脾胃有濕熱。則發黃。黃者。脾胃之色也。此即傷寒瘀熱。發黃之症。瘀熱即陽黃也。經曰。陽明病發熱汗出。此

爲熱。越則不發黃。若但頭汗。身無汗。小便不利。渴飲水漿。此爲痰熱在裏。必發黃。宜以茵陳蒿湯主之。如初起發者。則以茵陳五苓散主之。亦有太陽瘀熱在裏發黃者。此亦爲陽黃。宜以麻黃連翹赤小豆湯主之。若身如橘色。小便不利。腹微滿者。亦宜茵陳蒿湯主之。若身黃發熱者。則熱外出而不內入矣。宜以梔子柏皮湯主之。亦有寒濕發黃者。身熏黃而色暗。此爲陰黃。宜茵陳附子湯主之。亦有瘀血發黃者。小便利。大便黑。此畜血症也。宜桃仁承氣湯及犀角地黄湯主之。大抵傷寒發黃。與雜症不同。宜參症治之。經曰。中濕與發黃。不利小便非其治也。

茵陳蒿湯用大黃濃煎去渣。善毆黃。梔子柏皮兼可用。五苓加上又爲良。桃仁承氣五般奇。甘草硝黃並桂枝。血症發黃瘀內結。狂言妄語總相宜。滲濕湯中蒼白朮。陳皮澤瀉瀉猪苓。厚朴香砂甘草同。燈心薑引水煎服。犀角地黄芍藥湯。血升胃熱火邪干。斑黃湯毒皆堪治。或益柴苓總伐肝。

發狂

煩躁狂言。仍面赤。熱潮咽痛。號重陽。便於陽毒經中治。承氣黃連白虎詳。陰燥發狂宜附子。血瘀承氣地黃湯。

發狂者。謂濕毒在胃。併入于心。遂使神志不定而發狂也。狂之發作。少臥不飢。妄語笑。妄起行。登高而歌。棄衣而走。甚則踰垣上屋。此傷寒陽毒發狂之症也。經曰。邪入于陽則狂。又曰。重陽則狂。是也。宜以大承氣湯倍加芒硝急下之。有身熱煩躁。不得發狂者。表裏俱熱。宜三黃石膏湯。雙解散治之。又有乾嘔。面赤。發斑。咽痛。下利黃赤。壯熱不得汗者。宜葶藶苦酒湯治之。亦有陰燥發狂者。此非狂也。爲陰極發燥。周身之火。浮遊于外。或欲坐井中。或欲投泥水中臥。或欲向陰涼中坐。煩躁不安。亦如狂也。但手足逆冷。脈息沉微遲細。雖煩躁不能飲水者也。宜附子湯救之。不可一例以陽狂治也。亦有瘀血發狂者。血上逆則喜忘。血下畜則如

狂。宜桃仁承氣湯及犀角地黃湯主之。其或重熨迫汗。灼艾燒針。令人煩躁臥起不安。則謂之火邪驚狂。凡是數者。各有條例。或狂言目反直視。爲腎絕。汗出輒復狂言。不能食。死症也。非藥石所能及矣。

附子湯 附子炮二枚 茯苓二兩 人參 白朮 芍藥

黃連解毒湯四味。黃柏黃芩梔子是。退黃清熱更祛煩。吐血便紅皆可治。

發斑

身如塗硃。眼如火。發斑狂叫無人我。血熱不散出乘虛。二黃青黛湯最妥。發斑者。謂熱傷血。血熱不散。裏實表虛。發于皮膚而爲斑也。或渴症誤溫。或當汗失汗。當下失下。或汗下未解。或下早熱邪入胃。或下遲熱留胃中。皆致發斑。輕如疹子。重如錦紋。若色紫黑。熱極而胃爛者必死。此卽傷寒陽毒發斑之症也。凡斑疹將發未發之時。宜以升麻葛根湯先透其毒。如熱甚者。再以犀角地黃湯主之。如青黛大青知母石膏黃連黃柏黃芩之類。以斑盡爲度。如汗吐下後。虛極發斑者。宜以人參白虎湯主之。亦有溫毒發斑者。冬時感寒。至春始發也。宜以元參升麻湯解之。凡斑疹不可發汗。發汗則重令開泄。更增斑爛。亦不可遽下。遽下則重損其陰。恐斑毒內陷。多致不救。不可不慎也。

升麻葛根湯四味。攢上芍藥甘草是。傷寒發熱與頭痛。痘疹初熱爲要劑。

筋惕肉瞤

病人肉瞤並筋惕。汗出過經眞無敵。不然邪入大經中。狀如瘕瘕癰癰疾。發汗動經身振搖。宜用茯苓桂枝朮。動氣在左誤下之。忽爾肉瞤最爲逆。筋惕肉瞤者。皆由汗下太過。表邪未解。血氣虛奪。筋肉失養所致。不然邪入大經者。謂不因發汗。而邪熱搏于血脈之中。故惕惕而跳動也。張仲景特立真武湯以救其誤。又腹中上下左右有動氣。俱不可汗下。否則必筋惕肉瞤。其在左邊動氣者。俱不可汗下。若汗下則筋惕肉瞤。其在右邊動氣者。尤當以汗下爲戒也。

風溫

風溫熱汗脈多浮。喘渴癡眠。體不收。病在二陰。無發汗。人參敗毒散宜投。風溫者。謂先傷于風。因而傷熱。風與熱搏。即發風溫也。其脈尺寸俱浮。其症則身熱自汗。頭痛。喘息。發渴。昏睡。或體重不仁。其病則在少陰厥陰二經。宜以人參敗毒散治之。凡風溫不可發汗。發汗則譫語煩躁。目亂無精。如此死者。醫殺之耳。

濕溫

濕溫譫熱汗流頻。腹滿脛寒。頭目疼。病在太陰。無發汗。加蒼白朮效如神。濕溫者。謂傷于濕。因而中暑。濕與熱搏。即發濕溫也。其脈寸濡而弱。尺小而急。其狀胸滿。頭目痛。發壯熱。若妄言。身上汗多。而脛逆冷。其病則在太陰經。宜以白朮加蒼朮湯治之。凡濕溫不可發汗。發汗則使人不能言。耳聾。不知痛處。其身青面色變。是名重暈。如此死者。醫殺之耳。

風濕

風濕浮令額汗微。腫疼發熱。毒重衣。桂枝附子專能治。甘附湯中悉可醫。風濕者。先傷濕而後傷風也。其脈浮虛而濡。其症肢體重痛。不能轉側。額上微汗。怯寒而不欲去衣。大便難。小便利。宜以桂枝附子湯及甘草附子湯治之。凡風濕不可發汗。若發汗則風去濕在。非徒無益。而反害之。

中濕

中濕身黃熱痛頻。腸稀便瀼緩而沉。五苓除濕專能治。甘附湯中悉可寧。中濕者。風雨襲虛。潤澤蒸氣。人多爲濕所傷也。其脈沉而緩。其症一身盡痛。重著發黃。關節煩痛。發熱鼻塞。時或脹滿。大便利。小便難。宜以五苓散除濕湯及甘草附子湯治之。凡中濕不可發汗。發汗則病熱而瘥者。

死亦不可下下之則額汗胸滿微喘而嘔。小便不利。經曰治濕之道。不利小便。非其治也。

溫病熱病

傷寒溫病發于春。夏月傷寒熱病臨。羌活沖和湯可治。防風通聖散能平傷寒卽病者。謂之傷寒。不卽病者。謂之溫暑。及冬時傷寒。至春變爲溫病。至夏變爲熱病也。其原不殊。故一稱爲傷寒。其類則殊。施治不得相混。今人或疑麻黃桂枝湯不可用。不知傷寒冬寒之時。寒邪在表。開其腠理。非辛溫不能散之。此麻黃桂枝等劑。所以必用也。溫病熱病。發於暄熱之時。鬱熱自內達外。無寒在表。故非辛涼寒苦酸之劑。不能解。此麻黃桂枝所以不可用。而後人所處九味羌活湯。防風通聖散之類。兼治內外者之所以可用也。

九味羌活湯。防風。黃芩。白芷。與川芎。蒼朮。生地。細辛。甘。煎法還用薑棗葱。防風通聖。將軍芍。薄荷。歸芎。草朴硝。梔翹。芩桔。並白朮。麻黃。荊芥。滑石。焦。

陽毒

陽毒狂言。面赤紅。身斑煩躁。數弦洪。黃連承氣專能治。犀角升麻湯可攻。陽毒者。謂邪氣深重。或失汗。或失下。或誤服熱藥。遂變成陽毒。其脈弦洪促數。其症面目俱赤。發斑如錦紋。心下結悶。煩躁咽痛。甚則狂言奔走。踰垣上屋。宜以升麻葛根湯。犀角地黃湯。大承氣湯。黃連解毒湯。詳症治之。五日者可治。過六七日不可治矣。

陰毒

陰毒。脣青。厥冷。頰。腹痛。陰燥疾而沉。回陽四逆專能治。眞武和陰悉可平。陰毒者。謂腎本虛寒。或傷冷物。或感寒邪。或汗下失宜。遂變成毒。其脈沉細而疾。其症不脣青黑。四肢厥冷。身如被杖。腹中絞痛。甚則陰極發燥。精神恍惚。宜以四逆眞武湯。詳症治之。五日可治。過六七日不可治矣。

發汗

太陽發汗用青龍。誤服之時腎氣空。厥逆身瞤何藥救。方名真武可收功。發汗者謂發汗過多。乃誤服大青龍湯所致。仲景曰。若脈微弱。汗出惡風。不可服此。服之則厥逆筋惕肉瞤。此爲逆也。此亦少陰過汗亡陽之症。故俱用真武湯以救其誤。蓋取固腎爲義也。

戰振慄

戰動于身慄動心。二邪勝負兩般尋。振振汗出將全愈。鼓領虛寒四逆平。戰者身爲之搖也。慄者心戰而惕也。此傷寒欲解。將汗之時。邪正相爭。故戰振而股慄也。然戰慄有屬陽者。真氣來復。正氣鼓動。外爭而勝。故身爲振搖。遂大汗而解也。有屬陰者。陽微陰勝。邪氣內爭。而正不勝。故心寒足蹇。鼓領厥冷。而一身戰搖也。宜四逆湯溫之。

合病

太陽合胃脈浮長。若是浮弦合少陽。膽合胃時弦不短。黃芩承氣葛根詳。合病者。謂二陽經。或三陽經同病。病之不傳者也。凡三陽合病。必互相下利。如太陽陽明合病下利。脈浮長者。葛根湯主之。如太陽少陽合病下利。脈浮弦者。黃芩湯主之。如少陽陽明合病下利。脈弦長者。小承氣湯主之。若脈長大而弦。利不止。不食。病名曰負。負者失也。土敗木賊則死也。

併病

太陽原與陽明並。復病歸來作一家。尙有太陽宜各半。太陽症罷大承痊。併病者。謂一經先受病。又過一經病之傳者也。如太陽陽明若併而未盡。是謂未過。仲景所謂太陽病不罷。面赤。陽氣拂鬱。在表不得越。煩躁短氣是也。猶當汗之以各半湯。若併之已盡。是謂傳過。仲景所謂太陽病罷。潮熱。手足汗出。大便鞅而譫語是也。法當下之。以大承氣湯。是知傳則入腑。不傳則不入腑。併病傳變有

如此。

譫語

譫語證本非一類。或因下利或胃實。三陽合病或瘀血。或是熱入於血室。大抵發熱陽脈生。反見陰脈斯爲逆。血室血瘀承氣宜。柴胡白虎地黃合。譫語者。數數更端。聲高脈洪而數。蓋由胃熱乘心。神識昏冒。妄言不休。經曰。實則譫語是也。然譫語症非一端。有因胃有燥屎而譫語者。宜承氣湯治之。有因過汗亡陽而譫語者。宜柴胡加桂枝湯治之。以和榮衛而通津液也。有因三陽合病而譫語者。宜白虎湯治之。有因熱入血室而譫語者。宜桃仁承氣湯及犀角地黃湯治之。大抵譫語屬實。故宜解清熱。然亦有陽虛氣脫而譫語者。宜用參朮歸芪等劑。他如脈短則死。脈自和則愈。又身微熱。脈浮大者生。逆冷脈沉。或氣上逆而喘滿。或氣下奪而自利。皆爲逆。

鄭聲

鄭聲脈細是虛形。一語頻言脈更沉。大小便稀手足冷。急煎附子理中湯。鄭聲者。只將一事一語。鄭重諄復。聲低脈細而沉。經曰。虛則鄭聲是也。其證大便秘。小便利。手足冷。此陽虛氣脫之狀也。宜急煎附子理中湯以救之。大抵鄭聲屬虛。本非實證。他如神昏氣促。呃逆不止。不知人事者死。

嘔吐

胃家有熱難停食。胃冷無和納水漿。二證皆令人嘔逆。嘔家聖藥是生薑。若是上行爲氣逆。胃家由是不安康。

有物有聲謂之嘔。有物無聲謂之吐。蓋由表邪傳裏。裏氣上逆。則爲嘔吐。水穀不下是也。然嘔吐症本不同。有因氣逆而嘔者。宜小柴胡湯加生姜主之。有因水停心下而嘔者。宜茯苓甘草湯主之。有因胃熱而吐者。